

Na osnovu člana 32. Zakona o javnim nabavkama BiH ("Sl. glasnik BiH" br. 39/14) a nakon provedenog otvorenog postupka nabavke i isporuke sanitetskog materijala OP 06/15, zaključen je

OKVIRNI SPORAZUM

između:

1. **Javne ustanove Dom zdravlja Kantona Sarajevo**, sa sjedištem u Sarajevu, ulica Vrazova br. 11, koju zastupa generalni direktor prim. dr Milan Mioković (u daljem tekstu: **ugovorni organ**)

i

2. **"Sanam styrka" d.o.o.**, sa sjedištem u Sarajevu, ulica Antuna Hangija br. 35, koju zastupa direktor mr. Havica Hećo (u daljem tekstu: **ponuđač**).

Član 1.

Na osnovu provedenog otvorenog postupka javne nabavke OP 06/15 za izbor najpovoljnije ponude za nabavku i isporuku sanitetskog materijala za **lot 4 - vata i za lot 12 - hirurške maske i rukavice**, za potrebe ugovornog organa uz zaključivanje okvirnog sporazuma sa jednim (prvorangiranim) ponuđačem na vremenski period od dvije godine, prema javnom pozivu objavljenom na Portalu E-nabavke Obavještenjem broj 29-1-1-21-3-18/15 od 08.05.2015. godine, Odlukom o izboru najpovoljnijeg ponuđača broj 01-03-3232-7/15 od 26.06.2015. godine i 01-03-3232-15/15 od 26.06.2015. godine, odabrane su ponude ponuđača "Sanam styrka" d.o.o. Sarajevo kao najpovoljnije, u skladu sa uslovima i kriterijumima utvrđenim tenderskom dokumentacijom.

Obaveze za potpisnike ovog Okvirnog sporazuma nastaju tek zaključivanjem pojedinačnog ugovora o isporuci ugovorenih roba.

Pojedinačni ugovori o isporuci robe obavezuju ugovorne strane za cjelokupno vrijeme njihovog trajanja.

Član 2.

Okvirni sporazum sklapa se na dvije godine, za koji period će potpisnici ovog sporazuma zaključiti dva pojedinačna ugovora o isporuci ugovorene robe.

Član 3.

Na godišnjem nivou planirana sredstva iznose za lot 4 (vata) maksimalno 15.900,00 KM bez PDV-a i za lot 12 (hirurške maske i rukavice) maksimalno 56.200,00 KM bez PDV-a.

Član 4.

Prvi pojedinačni godišnji ugovori o isporuci ugovorenih roba zaključiće se na osnovu Okvirnog sporazuma, u svemu prema uslovima iz ponude dostavljene od strane ponuđača "Sanam styrka" d.o.o., koja je u provedenom predmetnom otvorenom postupku javne nabavke za lot 4 i lot 12, odabrana kao najpovoljnija, u količinama koje će biti utvrđene od strane ugovornog organa na osnovu tenderske dokumentacije.

Član 5.

Drugi godišnji ugovor sačinice se uz predhodno dostavljanje pisanog zahtjeva za dostavljanje ponude od strane ugovornog organa sa navedenim rokom dostavljanja ponude, kojim će biti dostavljeni uslovi, kriteriji i specifikacije potrebnih količina ugovorenih roba u skladu sa javnim pozivom. Ponuđač "Sanam styrka" d.o.o. je dužan na dostavljanje nove ponude u skladu sa uslovima iz Okvirnog sporazuma.

Član 6.

Ugovorni organ će pisanim putem obavijestiti o prihvatanju nove ponude za zaključivanje pojedinačnog ugovora o isporuci robe dostavljanjem nove odluke o izboru ponude.

Član 7.

Ukoliko ponuđač "Sanam styrka" d.o.o., ne dostavi ponudu za zaključivanje pojedinačnog ugovora o isporuci robe, ugovorni organ nije dužan sa istim zaključiti pojedinačni ugovor o isporuci predmetnih roba za sljedeći period isporuke.

Član 8.

Ugovorni organ će prihvatiti novu ponudu ponuđača:

- a) ako dostavljena ponuda ispunjava sve uslove iz zahtjeva za dostavljanje ponude ugovornog organa iz člana 5. ovog Okvirnog sporazuma;
- b) ako dostavljena ponuda ne sadrži uslove koji mijenjaju uslove ovog Okvirnog sporazuma.

Član 9.

Prilikom zaključivanja pojedinačnih ugovora o isporuci predmetnih roba, potpisnici Okvirnog sporazuma ne mogu mijenjati uslove ovog Okvirnog sporazuma.

Pojedinačnim ugovorima o isporuci predmetnih roba utvrdiće se prava i obaveze ugovornih strana koja nisu uređena ovim Okvirnim sporazumom, u skladu sa tenderskom dokumentacijom i ponudom ponuđača "Sanam styrka" d.o.o., i to naročito u pogledu: pojedinačnih i ukupne količine ugovorene robe koja će biti isporučena na osnovu pojedinačnih ugovora o isporuci robe, a koja će zavisiti od stvarnih potreba ugovornog organa, načina isporuke, načina plaćanja, a po potrebi i dugih elemenata bitnih za isporuku predmetne robe, u skladu sa opštim uslovima ovog Okvirnog sporazuma.

Jedinične cijene roba za svaki pojedinačni ugovor o isporuci predmetnih roba ne mogu biti veće od jediničnih cijena robe, navedenih u izvornoj prihvaćenoj ponudi dostavljenoj od strane ponuđača "Sanam styrka" d.o.o., kao prvorangiranog po javnom pozivu.

Član 10.

Ponuđač se obavezuje da će početi sa isporukom robe po zaključenju pojedinačnog ugovora o isporuci robe na osnovu ovog Okvirnog ugovora.

Ponuđač se obavezuje da će robu po osnovu zaključenog pojedinačnog ugovora o isporuci robe isporučivati sukcesivno, prema potrebi ugovornog organa na osnovu pisane narudžbe.

Ponuđač je dužan kontinuirano isporučivati robu tokom trajanja pojedinačnog ugovora o isporuci robe, odnosno Okvirnog sporazuma.

Ponuđač se obavezuje da će isporučivati robu u skladu sa uzorkom originalnog predmeta ugovora, na osnovu kojeg će se vršiti usporedba primljene količine i vrste.

Član 11.

Način plaćanja će se definisati pojedinačnim ugovorom o isporuci robe.

Član 12.

U slučaju da ponuđač "Sanam styrka" d.o.o., nakon zaključenja pojedinačnog ugovora o isporuci robe, zaključenog na osnovu ovog Okvirnog sporazuma, ne isporuči robu koja je predmet nabavke ili ne izvršava svoje obaveze u skladu sa dostavljenom prvobitnom izvornom ponudom, specifikacijom robe dostavljenoj na osnovu tenderske dokumentacije i potreba ugovornog organa, odnosno ne isporuči robu odgovarajućeg kvaliteta, ugovorni organ ima pravo tražiti otklanjanje nedostataka ili može raskinuti pojedinačni ugovor o isporuci robe i ovaj Okvirni sporazum.

Ponuđač, "Sanam styrka" d.o.o., je dužan u cjelosti nadoknaditi ugovornom organu sve troškove prouzrokovane postupanjem opisanim u predhodnom stavu ovog člana. U tom slučaju, ugovorni organ, ima pravo na naknadu stvarne štete uključujući i štetu nastalu na drugim dobrima prema opštim pravilima o odgovornosti za štetu.

Član 13.

Ponuđač odgovara ugovornom organu za sve štete prouzrokovane namjerom ili nepažnjom ponuđača do iznosa stvarne štete. Odgovornost za štetu utvrđuje se u skladu sa odredbama važećeg Zakona o obligacionim odnosima.

Član 14.

U slučaju da ponuđač "Sanam styrka" d.o.o., prilikom izvršenja isporuka po pojedinačno zaključenom ugovoru o isporuci robe učini povredu odredbi ovog Okvirnog sporazuma, ugovorni organ ima pravo jednostrano raskinuti ovaj Okvirni sporazum, ako ponuđač "Sanam styrka" d.o.o., posljedice povrede ne otkloni u roku od 8 dana od pisanog upozorenja ugovornog organa.

Raskidom Okvirnog sporazuma, istovremeno se raskida i zaključeni pojedinačni ugovor o isporuci robe.

Član 15.

Potpisnici ovog sporazuma su saglasni da će sve eventualne sporove proistekle iz ovog Okvirnog sporazuma kao i zaključenih pojedinačnih ugovora o isporuci robe rješavati prevashodno međusobnim dogovaranjem.

Ako potpisnici ovog sporazuma ne uspiju riješiti nastali spor ili problem, međusobnim dogovorom, za rješavanje spora nadležan je Sud u Sarajevu.

Član 16.


Sporazum je sačinjen u dva primjerka od kojih ugovorne strane zadržavaju po jedan.

Ugovorni organ
Javna ustanova Dom zdravlja
Kantona Sarajeva


gen. direktor
Prim. dr Milan Mioković



Ponuđač
Sanam styrka d.o.o. Brčko


direktor
Mr. Havica Hečo



Sarajevo, dana 23.07.2015. godine
Broj: 01-03- 3232-20/15

Sarajevo, dana 5.8.15.
Broj: 72-2015